


LITURGIA HORARUM

IN CANTU GREGORIANO



DOMINICA XXII PER ANNUM

ANNO C

AD I VESPERAS

D E-us, * in adiu-tó-ri- um me- um inténde. ꝛ. Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sæcu-la sæcu-ló-rum. Amen. Alle-lú-ia.

Hymnus

R E-rum, De- us, fons ómni- um, qui, re-bus actis óm-
ni-bus, to-tí- us orbis ámbi- tum censu re- plésti mú-ne-rum,

2. Ac, mole tanta cóndita,
tandem quiétem dícéris
sumpsísse, dans labóribus
ut nos levémur grátius:

3. Concéde nunc mortálibus
deffére vitæ crímina,
instáre iam virtútibus
et munerári próseris,

4. Ut cum treméndi iúdicis
horror suprémus cœperit,
lætémur omnes ínvicem
pacis repléti múnere.

5. Præsta, Pater piíssime,
Patrîque compar Unice,
cum Spírítu Paráclito
regnans per omne sáculum.
Amen.

Psalmodia

VII d

C Onfi-té-bor Dómi-no * nimis in o-re me-o.

E u o u a e.

PSALMUS 118, 105-112

XIV (Nun)

Meditatio verbi Domini in lege

Hoc est præceptum meum, ut diligatis invicem (Io 15, 12).

Lucérna pédibus meis verbum tuum *
et lumen sémitis meis.

Iurávi et státui *
custodíre iudícia iustítiae tuæ.

Humiliátus sum usquequáque, Dómine; *
vivífica me secúndum verbum tuum.

Voluntária oris mei beneplácita sint, Dómine, *
et iudícia tua doce me.


Anima mea in mánibus meis semper, *
et legem tuam non sum oblítus.

Posuérunt peccatóres láqueum mihi, *
et mandátis tuis non errávi.

Heréditas mea testimónia tua in ætérnum, *
quia exsultátio cordis mei sunt.

Inclinávi cor meum ad faciéndas iustificatiónes tuas *
in ætérnum, in finem.

VIII g



C

rá-vi. E u o u a e.

Quæ non repetitur in psalmo.

PSALMUS 15

Dominus pars hereditatis meæ

Deus suscitavit Iesum solutis doloribus mortis (Act 2, 24).

[Consérva me, Deus, *
quóniam sperávi in te.]

Dixi Dómino: «Dóminus meus es tu, *
bonum mihi non est sine te».

In sanctos, qui sunt in terra, ínclitos viros, *
omnis volúntas mea in eos.

Multiplicántur dolóres eórum, *
qui post deos aliénos acceleravérunt.

Non effúndam libatiónes eórum de sanguínibus, *
neque assúmam nómina eórum in lábiis meis.

Dóminus pars hereditátis meæ et cálicis mei: *
tu es qui détines sortem meam.

Funes cecidérunt mihi in præcláris; *
ínsuper et heréditas mea speciósa est mihi.

Benedícam Dóminum, qui tríbuit mihi intelléctum; *
ínsuper et in nóctibus erudiérunt me renes mei.

Proponébam Dóminum in conspéctu meo semper; *
quóniam a dextris est mihi non commovébor.

Propter hoc lætátum est cor meum, †
et exsultavérunt præcórdia mea; *
ínsuper et caro mea requiécet in spe.

Quóniam non derelínques ánimam meam in inférno, *
nec dabis sanctum tuum vidére corruptiónem.

Notas mihi fácies vias vitæ, †
plenitúdinem lætítiæ cum vultu tuo, *
delectatiónes in dextera tua usque in finem.

VII c



N OS autem * glo-ri- á-ri opór-tet in cru-ce Dó-
mi-ni nostri Iesu Chri-sti. E u o u a e.

CANTICUM

Phil 2, 6-11

De Christo, servo Dei

Christus Iesus, cum in forma Dei esset, *
non rapínam arbitrátus est esse se æquálem Deo,
sed semetípsum exinanívit formam servi accípiens, †
in similitúdinem hómínium factus; *
et hábitu invéntus ut homo,

humiliávit semetípsum †
factus obædiens usque ad mortem, *
mortem autem crucis.

Propter quod et Deus illum exaltávit †
 et donávit illi nomen, *
 quod est super omne nomen,
 ut in nómine Iesu omne genu flectátur *
 cæléstium et terréstrium et infernórum
 et omnis lingua confiteátur: *
 «Dóminus Iesus Christus!», in glóriam Dei Patris.

Lectio brevis

Col 1, 2b-6a

Grátia vobis et pax a Deo Patre nostro. Grátias ágimus Deo Patri Dómini nostri Iesu Christi semper pro vobis orántes, audiéntes fidem vestram in Christo Iesu et dilectiónem, quam habétis in sanctos omnes, propter spem, quæ repósita est vobis in cælis, quam ante audístis in verbo veritátis evangélli, quod pervénit ad vos, sicut et in univérso mundo est fructíficans et crescens sicut et in vobis.

Responsorium breve



A so-lis ortu usque ad occá-sum, * Laudá-bi-le
 no- men Dómi-ni. ψ. Super cæ-los gló-ri- a e-ius.
 ψ. Gló-ri- a Patri, et Fí-li- o, et Spi-rí-tu- i Sancto.

Magnificat

D a
U - bi fratres * in unum glo-rí-fi-cant De- um,
i-bi da-bit Dómi-nus be-ne-dic-ti-ónem. E u o u a e.

CANTICUM EVANGELIUM

Lc 1, 46-55

Exsultatio animæ in Domino

Magníficat ✠ *

ánima mea Dóminum,
et exsultávit spíritus meus *
in Deo salvatóre meo,
quia respéxit humilitátem ancillæ suæ. *
Ecce enim ex hoc beátam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.
Fecit poténtiam in bráchio suo, *
dispérsit supérbos mente cordis sui;
depósuit poténtes de sede *
et exaltávit húmiles;
esuriéntes implévit bonis *
et dívites dimísit inánes.
Suscépit Israel púerum suum, *
recordátus misericórdiæ,
sicut locútus est ad patres nostros, *
Abraham et sémini eius in sæcula.

Preces

Deus plebem, quam elégit in hereditátem suam, ádiuvat et tuétur, ut sit beáta. Ei grátias agámus et pietátis eius mémores clamémus:

In te, Dómine, confidimus.

Orámus te, Pater clementíssime, pro Papa nostro **N.** et Epíscopo nostro **N.**,

— prótege illos et tua virtúte sanctífica.

Infírmi se Christi sócios passiónum séntiant

— et consolatiónis eius semper partícipes.

Réspice in tua pietáte tecto caréntes,

— ut locum dignæ habitatiónis váleant inveníre.

Fructus terræ dare et conserváre dignéris,

— ut panem omnes cotidiánum repérian.

(*vel*: Gentem nostram a malo defénde propítius,

— ut tua pace et prosperitáte fruátur).

Tu, Dómine, magna defúctos pietáte proséquare,

— mansiónem eis concéde cæléstem.

P A-ter noster, qui es in cæ-lis, sancti-fi-cé-tur no-
men tu-um ; advé-ni- at regnum tu-um ; fi- at vo-lúntas
tu- a, sic-ut in cæ-lo, et in terra. Panem nostrum



co-ti-di- ánum da no-bis hó-di- e ; et dimít-te no-bis dé-
 bi-ta nostra, sic-ut et nos dimít-timus de-bi-tó-ri-bus nos-
 tris ; et ne nos indú-cas in tenta-ti- ó-nem, sed lí-be-ra
 nos a ma- lo.

Oratio

Deus virtútum, cuius est totum quod est óptimum, ínserere pectóribus nostris tui nóminis amórem, et præsta, ut in nobis, religiónis augméto, quæ sunt bona nútrias, ac, vigilánti stúdio, quæ sunt nutrita custódiás. Per Dóminum.

Dómi-nus vo-bíscum. ꝛ. Et cum spí-ri-tu tu-o.
 Be-ne-dí-cat vos omní-po-tens De-us, Pa-ter, et Fí-li- us,
 et Spí-ri-tus Sanctus. ꝛ. Amen.

I - te, in pa-ce. R. De-o grá-ti- as.


The image shows a musical score for a Latin text. It consists of a single staff with a treble clef and a common time signature. The melody is written in a simple, rhythmic style. The text is written below the staff, with a large initial 'I' for the first word 'Ite'. The text is: 'I - te, in pa-ce. R. De-o grá-ti- as.' The 'R.' likely stands for 'Requies'.

AD LAUDES MATUTINAS



D E-us, * in adiu-tó-ri- um me- um inténde. ꝛ. Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sæcu-la sæcu-ló-rum. Amen. Alle-lú-ia.

Hymnus




E C-ce iam noctis tenu- á-tur umbra, lu- cis auró-
ra rú-ti-lans co-rúscat; ní-si-bus to- tis ro-gi-témus
omnes cuncti-pot-éntem.

2. Ut Deus, nostri miserátus, omnem
pellat angórem, tríbuat salútem,
donet et nobis pietáte patris
regna polórum.

3. Præstet hoc nobis Déitas beáta
Patris ac Nati, paritérque Sancti
Spíritus, cuius résonat per omnem
glória mundum. Amen.

Psalmodia

I a 2



S I mi-hi Dómi-nus * salvá-tor fu- é- rit, non ti-
mé-bo quid fá-ci- at mi-hi homo. E u o u a e.

PSALMUS 117

Vox iubilationis et salutis

Hic est lapis, qui reprobatus est a vobis edificatoribus, qui factus est in caput anguli (Act 4, 11).

Confitémini Dómino, quóniam bonus, *
quóniam in sæculum misericórdia eius.

Dicat nunc Israel, quóniam bonus, *
quóniam in sæculum misericórdia eius.

Dicat nunc domus Aaron, *
quóniam in sæculum misericórdia eius.

Dicant nunc, qui timent Dóminum, *
quóniam in sæculum misericórdia eius.

De tribulatióne invocávi Dóminum, *
et exaudivit me edúcens in latitúdinem Dóminus.

Dóminus mecum, *
non timébo, quid fáciat mihi homo.

Dóminus mecum adiútor meus, *
et ego despíciam inimícos meos.

Bonum est confúgere ad Dóminum *
quam confidere in hómine.

Bonum est confúgere ad Dóminum *
quam confidere in princípibus.

Omnes gentes circuíerunt me, *
et in nómine Dómini excídi eos.

Circumdántes circumdedérunt me, *
et in nómine Dómini excídi eos.

Circumdedérunt me sicut apes †
et exarsérunt sicut ignis in spinis, *
et in nómine Dómini excídi eos.

Impelléntes impulérunt me, ut cáderem, *
et Dóminus adiúvit me.

Fortitúdo mea et laus mea Dóminus *
et factus est mihi in salútem.

Vox iubilatiónis et salútis *
in tabernáculis iustórum:

«Déxtera Dómini fecit virtútem! †
Déxtera Dómini exaltávit me; *
délixtera Dómini fecit virtútem!».

Non móriar, sed vivam *
et narrábo ópera Dómini.

Castígans castigávit me Dóminus *
et morti non trádidit me.

Aperíte mihi portas iustítia; *
ingréssus in eas confitébor Dómino.

Hæc porta Dómini; *
iusti intrábunt in eam.

Confitébor tibi, quóniam exaudísti me *
et factus es mihi in salútem.

Lápidem, quem reprobavérunt ædificántes, *
hic factus est in caput ánguli;

a Dómino factum est istud *
et est mirábile in óculis nostris.

Hæc est dies, quam fecit Dóminus: *
exultémus et lætémur in ea.

O Dómine, salvum me fac; *
o Dómine, da prosperitátem!

Benedíctus, qui venit in nómine Dómini. *
Benedícimus vobis de domo Dómini.

Deus Dóminus et illúxit nobis. *
Instrúite sollempnitátem in ramis condénsis
usque ad córnu a altáris.

Deus meus es tu, et confitébor tibi, *
Deus meus, et exaltábo te.

Confitémini Dómino, quóniam bonus, *
quóniam in sæculum misericórdia eius.

VIII g

H Ymnum di-camus * Dó-mi-no De-o nostro.

E u o u a e.

CANTICUM

Dn 3, 52-57

Omnis creatura laudet Dominum

Creator... est benedictus in sæcula (Rom 1, 25).

Benedíctus es, Dómine Deus patrum nostrórum, *
 et laudábilis et superexaltátus in sæcula;

et benedíctum nomen glóriæ tuæ sanctum *
 et superlaudábile et superexaltátum in sæcula.

Benedíctus es in templo sanctæ glóriæ tuæ *
 et superlaudábilis et supergloriosus in sæcula.

Benedíctus es in throno regni tui *
 et superlaudábilis et superexaltátus in sæcula.

Benedíctus es, qui intuéris abýssos †
 sedens super chérubim, *
 et laudábilis et superexaltátus in sæcula.

Benedíctus es in firmaménto cæli *
 et laudábilis et gloriósus in sæcula.

Benedícite, ómnia ópera Dómini, Dómino, *
 laudáte et superexaltáte eum in sæcula.



I N sanctis e-ius * laudá-te De-um. E u o u a e.

PSALMUS 150

Laudate Dominum

Psallite spiritu, psallite et mente, hoc est: glorificate Deum et anima et corpore vestro (Hesychius).

Laudáte Dóminum in sanctuário eius, *
 laudáte eum in firmaménto virtútis eius.

Laudáte eum in magnálibus eius, *
 laudáte eum secúndum multitúdinem magnitúdinis eius.
 Laudáte eum in sono tubæ, *
 laudáte eum in psaltério et cíthara,
 laudáte eum in týmpano et choro, *
 laudáte eum in chordis et órgano,
 laudáte eum in cýmbalis benesonántibus, †
 laudáte eum in cýmbalis iubilatiónis: *
 omne quod spirat, laudet Dóminum.

Lectio brevis

Ez 36, 25-27


Effúndam super vos aquam mundam, et mundabímuni ab ómnibus inquinaméntis vestris, et ab univérsis idólis vestris mundábo vos. Et dabo vobis cor novum et spíritum novum ponam in médio vestri et áuferam cor lapídeum de carne vestra et dabo vobis cor cárneum; et spíritum meum ponam in médio vestri et fáciam, ut in præcéptis meis ambulétis et iudícia mea custodiátis et operémuni.

Responsorium breve

C Onfi-té-bimur ti-bi, De-us, * Et invo-cá-bimus
 nomen tu-um. † Nar-rá-bimus mi-ra-bí-li-a tu-a.
 † Gló-ri-a Patri, et Fí-li-o, et Spi-rí-tu-i Sancto.

Benedictus

III a



A C-cessí-stis * ad Si-on montem, et ci-vi-tá-tem
De-i vi-véntis, Ierú-sa-lem cæ-léstem, et testaménti no-
vi me-di-a-tó-rem Iesum, et sán-gui-nis aspersi-ó-nem
mé-li-us loquéntem quam Abel. E u o u a e.

CANTICUM EVANGELIUM

Lc 1, 68-79

De Messia eiusque præcursore

Benedíctus ✚ Dóminus Deus Israel, *
quia visitávit et fecit redemptiónem plebi suæ
et eréxit cornu salútis nobis *
in domo David púeri sui,
sicut locútus est per os sanctórum, *
qui a sæculo sunt, prophetárum eius,
salútem ex inimícis nostris *
et de manu ómnium, qui odérunt nos;
ad faciéndam misericórdiam cum pátribus nostris *
et memorári testaménti sui sancti,
iusiurándum, quod iurávit ad Abraham patrem nostrum, *
datúrum se nobis,

ut sine timóre, de manu inimicórum liberáti, *
serviámus illi
in sanctitáte et iustítia coram ipso *
ómnibus diébus nostris.
Et tu, puer, prophéta Altíssimi vocáberis: *
præibis enim ante fáciem Dómini paráre vias eius,
ad dandam sciéntiam salútis plebi eius *
in remissionem peccatórum eórum,
per víscera misericórdiæ Dei nostri, *
in quibus visitábit nos óriens ex alto,
illumináre his, qui in ténebris et in umbra mortis sedent *
ad dirigéndos pedes nostros in viam pacis.

Preces

Salvatóri nostro grátias agámus, qui in hunc mundum descéndit
ut esset Deus nobíscum. Eum invocémus clamántes:

Christe, Rex glóriæ, sis lux et gáudium nostrum.

Christe Dómine, lux óriens ex alto, primítia resurrectionis
futúra,

— da nos te sequi, ne in umbra mortis sedeámus, sed ut in lú-
mine vitæ ambulémus.

Bonitátem tuam in ómnibus creatúris diffúsam nobis osténde,
— ut tuam ubíque glóriam contemplémur.


Ne patiáris, Dómine, hódie malo nos vinci,
— sed fac ut in bono nos vincámus malum.

Qui in Iordáne baptizátus, a Sancto Spírítu es inúctus,
— da nos hódie grátia agi Sancti Spírítus tui.


P A-ter noster, qui es in cæ-lis, sancti-fi-cé-tur no-
 men tu-um ; advé-ni- at regnum tu-um ; fi- at vo-lúntas
 tu- a, sic-ut in cæ-lo, et in terra. Panem nostrum
 co-ti-di- ánum da no-bis hó-di- e ; et dimít-te no-bis dé-
 bi-ta nostra, sic-ut et nos dimít-timus de-bi-tó-ri-bus nos-
 tris ; et ne nos indú-cas in tenta-ti- ó-nem, sed lí-be-ra
 nos a ma- lo.

Oratio

Deus virtútum, cuius est totum quod est óptimum, ínserere pectóribus nostris tui nóminis amórem, et præsta, ut in nobis, religiónis augménto, quæ sunt bona nútrias, ac, vigilánti stúdio, quæ sunt nutríta custódiás. Per Dóminum.



D ómi-nus vo-bíscum. ⁊ Et cum spí-ri-tu tu-o.
Be-ne-dí-cat vos omní-po-tens De-us, Pa-ter, et Fí-li-us,
et Spí-ri-tus Sanctus. ⁊ Amen.




I - te, in pa-ce. ⁊ De-o grá-ti-as.

AD II VESPERAS



D E-us, ✠ in adiu-tó-ri- um me- um inténde. ꝛ. Dómi-
ne, ad adiuvándum me festí-na. Gló-ri- a Patri, et Fí- li- o,
et Spi-rí-tu- i Sancto. Si-cut e-rat in princí-pi- o, et nunc,
et semper, et in sǽcu-la sǽcu-ló-rum. Amen. Alle-lú-ia.

Hymnus



VIII
O lux, be- á-ta Trí-ni-tas et princi-pá-lis Uni-
tas, iam sol re-cé-dit ígne- us: infúnde lumen córdi-bus.

2. Te mane laudum cármine,
te deprecémur vésperē;
te nostra supplex glória
per cuncta laudet sǽcula.

3. Christum rogámus et Patrem,
Christi Patrísque Spíritum;
unum potens per ómnia,
fove precántes, Trínitas. Amen.

Psalmodia

VII c2

D



me- is. E u o u a e.

Que non repetitur in psalmo.

PSALMUS 109, 1-5. 7

Messias rex et sacerdos

Oportet illum regnare, donec ponat omnes inimicos sub pedibus eius

(1 Cor 15, 25).

[Dixit Dóminus Dómino meo: *

«Sede a dextris meis,]

donec ponam inimicos tuos *
scabéllum pedum tuórum».

Virgam poténtiæ tuæ emíttet Dóminus ex Sion: *
domináre in médio inimicórum tuórum.

Tecum principátus in die virtútis tuæ, †
in splendoribus sanctis, *
ex útero ante lucíferum génuí te.

Iurávit Dóminus et non pænitébit eum: *
«Tu es sacérdos in ætérnum
secúndum órđinem Melchisedech».

Dóminus a dextris tuis, *
conquassábit in die iræ suæ reges.

De torrén-te in via bibet, *
proptérea exaltábit caput.

Domus Aaron sperávit in Dómino: *
 adiutórium eórum et scutum eórum est.

Qui timent Dóminum, speravérunt in Dómino: *
 adiutórium eórum et scutum eórum est.

Dóminus memor fuit nostri *
 et benedícet nobis:
 benedícet dómui Israel, *
 benedícet dómui Aaron,
 benedícet ómnibus, qui timent Dóminum, *
 pusíllis cum maióribus.

Adíciat Dóminus super vos, *
 super vos et super filios vestros.

Benedícti vos a Dómino, *
 qui fecit cælum et terram.

Cæli, cæli sunt Dómino, *
 terram autem dedit filiis hóminum.

Non mórtui laudábunt te, Dómine, *
 neque omnes, qui descéndunt in siléntium,
 sed nos, qui vívimus, benedícimus Dómino *
 ex hoc nunc et usque in sæculum.

CANTICUM

Cf. Ap 19, 1-2. 5-7

De nuptiis Agni

VI

S A-lus et gló-ri- a et virtus De-o nostro, R Alle-lú-

ia. V. Qui- a ve-ra et iusta iu-dí-ci- a e-ius, R Al-le- lú-ia,


alle-lú-ia. *ψ.* Laudem dí-ci-te De-o nostro, omnes servi
 e-ius, *R.* Alle-lú-ia. *ψ.* Et qui timé-tis e-um, pu-síl-li et ma-
 gni, *R.* Alle-lú-ia, alle-lú-ia. *ψ.* Quó-ni-am regna-vit Dómi-
 nus, De-us noster omní-pot-ens, *R.* Alle-lú-ia. *ψ.* Gaude- ámus
 et exsultémus et demus gló-ri- am e- i, *R.* Al-le-lú-ia,
 alle-lú-ia. *ψ.* Qui- a ve-né-runt núpti- æ Agni, *R.* Alle-lú-ia.
ψ. Et uxor e-ius præpa-rá-vit se, *R.* Al-le-lú-ia, alle-lú-ia.

Lectio brevis

2 Th 2, 13-14

Debémus grátias ágere Deo semper pro vobis, fratres, dilécti a Dómino, quod elégerit vos Deus primítias in salútem in sanctificatióne Spíritus et fide veritátis, ad quod et vocávit vos per evangélium nostrum in acquisitionem glóriæ Dómini nostri Iesu Christi.

Responsorium breve



M Agnus Dómi-nus noster, * Et magna vir-tus
e-ius. †. Et sa-pi-é-nti-æ e-ius non est nú-me-rus. †. Gló-
ri-a Pa-tri, et Fí-li-o, et Spi-rí-tu-i San-cto.

Magnificat

VII a



C UM vo-cá-tus fú-e-ris * ad nú-pti-as, re-cúm-be
in no-ví-si-mo lo-co, ut di-cat ti-bi qui te invi-tá-vit:
Amí-ce, ascé-nde supé-ri-us. Et e-rit ti-bi gló-ri-a co-
ram simul discumbé-nti-bus, alle-lú-ia. E u o u a e.

CANTICUM EVANGELIUM

Lc 1, 46-55

Exsultatio animæ in Domino

Magníficat ✠ *
ánima mea Dóminum,

et exultávit spíritus meus *
in Deo salvatóre meo,
quia respéxit humilitátem ancillæ suæ. *
Ecce enim ex hoc beátam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.
Fecit poténtiam in bráchio suo, *
dispérsit supérbos mente cordis sui;
depósuit poténtes de sede *
et exaltávit húmiles;
esuriéntes implévit bonis *
et dívites dimísit inánes.
Suscépit Israel púerum suum, *
recordátus misericórdiæ,
sicut locútus est ad patres nostros, *
Abraham et sémini eius in sæcula.

Preces

Laus et honor Christo, qui salváre in perpétuum potest accedén-
tes per semetípsum ad Deum, semper vivens ad interpellándum
pro nobis. Qua fide suffúlti eum implorémus:

Meménto pópuli tui, Dómine.

Iam declinánte die, Sol iustitiæ, te super cunctum genus humá-
num invocámus,

— ut luce tua, numquam decidénte, omnes sine fine fruántur.

Custódi testaméntum, quod sáanguine divíno sanxísti,

— et sanctífica Ecclésiám tuam, ut sit immaculáta.

Meménto, Dómine, congregatiónis tuæ,
— loci habitatiónis tuæ.


In viam pacis et prosperitátis dírige iter faciéntes,
— ut cum salúte et gáudio ad optáta loca pervéniant.

Animas, Dómine, súscipe defunctórum,
— véniam tuam eis concéde et glóriam sempitérnam.


P  A-ter noster, qui es in cæ-lis, sancti-fi-cé-tur no-
 men tu-um; advé-ni-at regnum tu-um; fi-at vo-lúntas
 tu-a, sic-ut in cæ-lo, et in terra. Panem nostrum
 co-ti-di-ánum da no-bis hó-di-e; et dimít-te no-bis dé-
 bi-ta nostra, sic-ut et nos dimít-timus de-bi-tó-ri-bus nos-
 tris; et ne nos indú-cas in tenta-ti-ó-nem, sed lí-be-ra
 nos a ma-lo.

Oratio

Deus virtútum, cuius est totum quod est óptimum, ínserere pectóribus nostris tui nóminis amórem, et præsta, ut in nobis, religiónis augménto, quæ sunt bona nútrias, ac, vigilánti stúdio, quæ sunt nutríta custódiás. Per Dóminum.



D ómi-nus vo-bíscum. ⁊ Et cum spí-ri-tu tu-o.



Be-ne-dí-cat vos omní-po-tens De-us, Pa-ter, et Fí-li-us,



et Spí-ri-tus Sanctus. ⁊ Amen.



I - te, in pa-ce. ⁊ De-o grá-ti-as.